



**ATASSUT**

**UKA 2016/113-1**

**Siverth K. Heilmann**

**23. 09. 2016.**

**KNI A/S pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx 2016-imeersoq** (Ingerlatseqatigiiffissuup KNI-p suliassaasa kiillilerneqarnerat)

(Inuussutissarsiornermut, Suliffeqarnermut , Niuernermut Nunanullu Allanut Naalakkersuisoq)

KNI A/S pillugu Inatsisartut peqqussutaata allanngortinneqarnissaanik Naalakkersuisut saqqummiussaqaarnerat ATASSUT-miit imatut naatumik oqaaseqarfigissavarput.

Pisariaqartuaannarpoq inatsisiliortutut Naalakkersuisuni inatsisartunilu aalajangersimasat ullutsinnut naleqqukkunnaarsimappata naleqqussarneqartarnissaat. ATASSUT-miit Naalakkersuisut peqsummik massakkut atuuttumi allannguisariaqarsinnaanermik inatsisartunut aperinerat ATASSUT-ip paasilluarparput tunngaviatigullu isumaqatigalugu.

Soorlu nunaqarfinni ingerlatanik ataatsimoortitsinissamut suliniutit aningaasaqarnikkullu pitsaangitsumik ineriartortoqalersimanerata kingunerisaanik, imaatigut angallassinikkut, aalisakkanik aamma seafood-inik tunisassianik tunisassiorneq il.il. 2006-imi aalajangerneq aallaavigalugu 2007-imi ukiup affaani siullermi unitsitsisoqarneranik kinguneqartoq.

ATASSUT-ip suli nioqutissanut immikkoortortami pisiniarfinni quersuarnilu tuniniaanerup kiisalu Nukissiormut immikkoortortami uuliamik nioqutissiornerup nunaqarfiit aamma illoqarfinni minnerusuni Naalakkersuisut inatsisitigut sinaakkutissat naleqqussarneqarnissaanik inatsisartuni pisinnaatinneqarnissamik kissaataasoq taperserparput.

Soorunami tusarniaanermi qisuariaataasut akissutillu atuarluarsimavagut. Politikkeriugutta atorfilugutta sulisitsisuugutta kommuune-uguttaluunniit assigiinngitsunik isummersortoqartuaannarnera ATASSUT-ip ataqquilluinnarpaa. Taamaattorli pitsaaqutit pitsaangitsullu pillugit, pissutsit piffinni assigiinngitsuni politikikkut sulinermi, nalilersuinigut uninneq ajorput, soorlu aamma ATASSUT-

miit ullutsinnut naleqqukkunnaartoqarsimatillugu iluarsiiisoqarnissaa siunertaralugu siunnersuuteqartartugut kaammattuuteqartarlutaluunniit.

Taamatut Naalackersuisunut tapersiivugut, aappassaaneerisoqartinnaguli ataatsimiititaliamut sussaqaartumut suliarineqaqqaarneqarnissaa ATASSUT-miit inassutigissavarput.